



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Broj: 02-11-20351-2/25
Zenica, 19.11.2025. godine

Na osnovu člana 68. stav 4. tačka i) Zakona o javnim nabavkama i čl. 70. stav 1., 3. i 6. Zakona o javnim nabavkama („Službeni glasnik BiH“, broj: 39/14, 59/22, 50/24), na prijedlog Službe za zajedničke poslove, Gradonačelnik grada Zenica donosi:

ODLUKU
o izboru najpovoljnijeg ponuđača za rekonstrukciju Trga Alije Izetbegovića

Po provedenom otvorenom postupku za rekonstrukciju Trga Alije Izetbegovića, objavljenog na portalu javnih nabavki, broj: 1355-1-3-142-3-216/25 od 08.10.2025. godine i u Službenom glasniku BiH, broj: 61/25 od 17.10.2025. godine, za najpovoljnijeg ponuđača izabran je:

PD „KOMGRAD-ZE“ d.o.o. Zenica

Obrazloženje

Po provedenom otvorenom postupku za rekonstrukciju Trga Alije Izetbegovića, zaprimljene su ponude sljedećih ponuđača:

1. „ITC“ d.o.o. Zenica
2. „STRUKTURA“ d.o.o. Jajce
3. PD „KOMGRAD-ZE“ d.o.o. Zenica
4. „MIBRAL“ d.o.o. Sarajevo
5. Konzorcij „ALMY“ d.o.o. Zenica, „BOSMAN“ d.o.o. Sarajevo i „ORMAN“ d.o.o. Kiseljak

Procijenjena vrijednost za predmetnu nabavku iznosi 2.500.000,00 KM bez PDV-a.

Ponuđač „ITC“ d.o.o. Zenica je dostavio ponudu u iznosu od 3.763.587,66 KM bez PDV-a, te s obzirom da procijenjena vrijednost predmetne nabavke iznosi 2.500.000,00 KM bez PDV-a, ponuda ponuđača je neprihvatljiva u skladu sa članom 2. stav 1. tačka 1. alineja 2) Zakona o javnim nabavkama. Dalje, ponuđač je u svojoj ponudi dostavio samo Obrazac za dostavljanje ponude i Obrazac za cijenu ponude, ali ne i ostalu dokumentaciju koja treba da čini ponudu, kao ni dokaze kojima ispunjava kvalifikacione dokaze tražene tenderskom dokumentacijom, zbog čega ponuda nije potpuna i kao takva smatra se neprihvatljivom u skladu sa članom 2. Stav 1. Tačka 1. alineja 2) Zakona o javnim nabavkama. Ponuda ponuđača „ITC“ d.o.o. Zenica odbacuje se u skladu sa članom 68. stav 4. tačka i) Zakona o javnim nabavkama.

Dalje, tačkom 3.3. alineja III tenderske dokumentacije propisano je „Mogućnost pristupa ili osiguran pristup sljedećim građevinskim mašinama, tehničkoj opremi i materijalima koji će biti na raspolaganju za izvršenje ugovora:

- a) Freza za asfalt – 1 komad“,



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

te u svrhu dokazivanja ponuđač su dužni dostaviti „Izjavu o građevinskim mašinama i tehničkoj opremi kojom izvršilac raspolaže u svrhu izvršenja ugovora (uz izjavu priložiti važeće upotrebne dozvole i ugovore o najmu (ukoliko nema mehanizaciju u svom vlasništvu) -obične kopije)“.

Ponuđač „STRUKTURA“ d.o.o. Jajce nije dostavio dokaz da ima na raspolaganju frezu za asfalt (1 komad), u svrhu izvršenja ugovora kako je i zahtjevano tenderskom dokumentacijom, stoga se njegova ponuda odbacuje u skladu sa čl. 68 stav 4) tačka i) ZJN i ne ulazi u dalju evaulaciju ponuda.

Na str. 133. i 134. Ponude Konzorcij ALMY d.o.o. Zenica, BOSMAN d.o.o. Sarajevo i ORMAN d.o.o. Kiseljak, dostavljene su Potvrde izdate od Općine Novi Grad Sarajevo broj: 02/08-19-24357/24 – RMI od 07.11.2025. godine i broj: 02/08-19-25275/23 – RMI od 06.11.2023. godine. Ponuđaču je poslan zahtjev za pojašnjenjem navedenih dokumenata iz ponude kako bi utvrdili da li isti ispunjavaju propisane uslove iz tenderske dokumentacije. Ponuđač je dana 14.11.2025. godine dostavio dopis zajedno sa ugovorenim predmjerom radova kao odgovor na zahtjev o pojašnjenju potvrda, a koji se odnosi na pomenute ugovore. U dostavljenom predmjeru radova evidentno je da je dio koji se odnosi na konkretan predmet nabavke (oblast uređenja trga/šetnice/ulice sa završnim betonskim/kamenim popločanjem) u zbiru nedovoljan da bi se ispunio uslov od 300.000,00 KM bez PDV-a kako je propisano tačkom 3.3. tenderske dokumentacije. Shodno tome ponuda ne ispunjava uslove iz tenderske dokumentacije i ista se odbacuje u skladu sa čl. 68 stav 4) tačka i) ZJN.

Ponude ostalih ponuđača ispunjavaju uslove koji su zahtijevani u Tenderskoj dokumentaciji.

Procjena ponude i rangiranje, dati su u Zapisniku Komisije I, broj: 18-11-20351-9/25 od 11.11.2025. godine, Zapisniku Komisije II, broj: 18-11-20351-12/25 od 17.11.2025. godine i Zapisniku Komisije III, broj: 18-11-20351-13/25 od 19.11.2025. godine, a izvršeni su na osnovu Poslovnika o radu komisije, broj: 11-11-20351/25 od dana 03.10.2025. godine.

E-aukcija je održana dana 19.11.2025. godine sa početkom u 14:30 sati. Početna najniža ponuda bila je 2.492.014,30 KM bez PDV-a. Na e-aukciji su učestvovala dva ponuđača, pri čemu je cijena snižena dva puta. E-aukcija je uspješno okončana u 15:00 sati, te su ponuđači bodovani kako slijedi:

R.B.	Naziv ponuđača	Cijena u KM bez PDV-a	Bodovi
1.	PD „KOMGRAD-ZE“ d.o.o. Zenica (Bistua Nuova do br. 17, 72000 Zenica, ID: 4218753680004)	2.489.500,00 KM	100
2.	“MIBRAL” d.o.o. Sarajevo	2.491.800,00 KM	99,90

Ugovorni organ je izvršio izbor najpovoljnijeg ponuđača PD „KOMGRAD-ZE“ d.o.o. Zenica, na osnovu bodovanja koje je izvršila Komisija formirana od strane Ugovornog organa, Rješenjem broj: 02-11-20351-1/25 od 02.10.2025. godine.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Ponudlač koji je izabran kao najpovoljniji, dužan je u roku od 5 (pet) dana od prijema ove Odluke o izboru najpovoljnijeg ponudlača dostaviti dokumentaciju iz člana 45. Zakona o javnim nabavkama, kao što je navedeno u tački 3.4. tenderske dokumentacije.

Na osnovu izloženog, odlučeno je kao u dispozitivu.

Pouka o pravnom lijeku

Protiv ove Odluke može se izjaviti žalba Uredu za razmatranje žalbi, putem ugovornog organa: Grad Zenica, Služba za zajedničke poslove, Trg BiH br. 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponudlaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Dostavljeno:

5 x Ponudlač

1 x Tenderska dokumentacija

1 x Služba za zajedničke poslove

1 x a/a

GRADONAČELNIK ZENICE


Fuad Kasumović

